

Lauso Memourativo de soun Croues, à La Valentino

**La Societat d'Art Occitan
A soun Secretàri Generau
e Membre Foundadou**

NOURAT VALENTIN

1911 — 1939

**Pintre e Felibre Toumba Flour
A servi l'Art e la Prouvènço**

En Meno de Prefàri: La Leïçoun de Mistral

Qouro Mistral arribo, la lengo d'O, degenerado es plus cultivado que dins la mesuro ounte pòu faire rire. La generalita deis escrivan souerte pas de la grosso galejado. Mistral, de touto la fouerço de soun engèni encaro incounouissu, bastisse uno obro literàri que, lun de faire rire, n'en fara ploura bessai, e subre-tout, n'en fara pensa. L'universalita de soun obro aclapo tout ce qu'an escrich avans éu. A vougu faire, e a fa, uno obro literàri que marquèsse, coumo n'en a'n anglés, en italian, en francés. Pouèto, travaio en bouen pouèto, e plaço sa Mirèio au bèu mitan dei cap-d'obro moundiau.

Soun obro es prouvençalo naturalamen perquè Mistral es prouvençau e lou vòu èstre coupletamen.

A soun eisèmple, fasèn nouesto plego, quanto que siegue, dóu miés que pourren, en prouvençau naturalamen, perquè lou sian, lou voulèn èstre e lou voulèn resta fin-qu'au bout.